



PERSATUAN BANK BANK DALAM MALAYSIA
THE ASSOCIATION OF BANKS IN MALAYSIA

Headline: MASIH ada yang TERTIPU?
Publication/Portal: Utusan Sarawak
Date: 19 January 2022

Language: Malay
Section: Nasional
Page: 18

MASIH ada yang TERTIPU?

• Suri rumah rugi RM87,240 ditipu 'Mastura'

.....
NURZILLA MOHAMAD

SIBU: Walaupun pelbagai pendedahan dan tangkapan membabitkan konco Macau Scam dilakukan pihak berkuasa namun masih ada masyarakat yang menjadi mangsa.

Seorang surirumah menjadi mangsa terbaharu sindiket penipuan tersebut yang membabitkan nilai kerugian sebanyak RM87,240.

Pemangku Ketua Polis Daerah Sibu Superintenden Dr. Collin Babat (***gambar***) berkata, mangsa berumur 50-an telah dihubungi seorang wanita yang memperkenalkan diri sebagai Mastura.

"Suspek mendakwa baha-

wa nama mangsa telah digunakan untuk membuat tuntutan insurans berjumlah RM76,800 dalam masa tiga bulan.

"Mangsa diminta untuk membuat aduan di Balai Polis Pudu Kuala Lumpur dan bercakap dengan Sarjan Zulkifli Zubir dan membuat pengakuan audio bagi menanggungkan waran tangkap dan mengelakkan pembekuan akaun mangsa," katanya dalam satu kenyataan Isnin lalu.

Collin memberitahu, bagi menakutkan lagi mangsa, suspek meminta mangsa untuk membuka satu akaun bank bertujuan untuk proses ikat jamin sekiranya pendakwaan dijalankan ke atasnya.

"Tanpa berfikir panjang, mangsa telah membuka dan menyerahkan maklumat perbankan terbabit dan akaun Tabung Haji kepada suspek.

"Mangsa turut membuat lima transaksi kemasukan wang ke akaun yang baharu dibukanya berjumlah RM61,000," ujarnya.

Jelas Collin, mangsa mula menyedari dirinya ditipu apabila dihubungi seorang lagi wanita lain yang menggantikan Mastura.

"Mangsa berasa curiga dan membuat semakan baki akaun bank dan Tabung Haji didapati wang telah hilang dari akaun.

"Mangsa merasa ditipu dan tampil membuat lapo-

ran polis untuk tindakan dan siasatan selanjutnya," jelasnya.

Sehubungan itu, Collin menasihati orang ramai supaya tidak mudah tertipu dengan suspek yang menyamar sebagai pegawai polis, peguam, wakil insurans dan sebagainya.

"Jangan melakan panggilan telefon yang mencurigakan, jangan beri butiran peribadi atau nombor akaun bank dan terus berhentikan perbualan telefon," tegasnya.

